



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs II. Vtrum aliquod nomen dicatur de Deo substantialiter. art. 2.

[urn:nbn:de:hbz:466:1-73915](#)

colligam cum, qui tale nomen protulit, similem, aut quasi similem conceptum ea de re effinxisse.

Circa responsonem ad secundum Diui Thomæ notandum est, in eo sensu nomina abstracta significare formas seu naturas tamquam id, quo aliquid est tale, quod licet significant formas non ut alteri adiacentes, sed secundum se ipsas præcisè, atque adeò ad modum per se stantum, vt dici confueat: atamen non denotant substantiam in illis ex modo, quo eas significant, sed significant eas aptè, vt per eas aliquid sit tale, querendumque restat de substantie, quod per eas formaliter sit tale, vt de substantie quod sit albedine album, humanitate homo, Deitate Deus, &c. Omnis namque forma non habens substantiam in se ipsa, est in aliquo substantiente, quod est per eam tale. Quia ergo nomina abstracta, quæ tribuimus Deo, vt Deitas, sapientia, &c. non denotant substantiam in suis significatis, sed modo explicato significant formas tamquam id, quo aliquid est tale: concreta verò que denotant substantiam, vt Deus, sapiens, &c. significant per modum cuiusdam compositionis, quasi Deitatem, aut sapientiam, vt forma aliquo modo distincta, sit Deus, aut sapiens, merito ait Diuus Thomas, tam concreta, quam abstracta in suo modo significandi deficere à modo, quem Deus in se habet.

ARTICVLVS II.

Vitrum aliquod nomen dicatur de Deo substantialiter.

VESTI o hæc ex prædictis disput. articuli præcedentes facilis redditur. Totu[m] verò controversia est de nominibus tertij generis ibidem explicatis, verbi gratia de sapientia, bonitate, &c. de quibus definit D. Thomas dici de Deo substantialiter: eo quod significatum eorum formale sit de ratione essentie diuinæ, sitque in Deo substantia, & non accidentia. De hac re August. s. de Trinitate à cap. 4. & lib. 7.

Nomina
tertij generis
dicuntur de
Deo substan-
tialiter.

ARTICVLVS III.

Vitrum aliquod nomen dicatur propriè de Deo.

BRÆTER nomina primi & secundi generis, quæ significant relationem rationis, negationem, aut actionem aliquam ad extra, aut aliud simile, quod denominatione extrinseca proprie[n]e denominat Deum: vt quod sit cognitus, aut dilectus à nobis: ex reliquis nominibus ipsa sola proprie[n]e dicuntur de Deo (si non quoad modum significandi, certè quoad rem significatam) quæ significant perfectionem simpliciter, luxa ea quæ explica sunt quæstione 3. artic. 7. disputat. 2. & quæstione 4. artic. 2. Ex reliquis verò, si quæ dicuntur de Deo, non dicuntur propriè, sed in translatia significacione, per metaphoram scilicet, aut aliud tropum, vt quod sit agricola, ignis consumens, &c.

Nomina
qua dicuntur
de Deo pro-
priè, & quæ
translatia.

ARTICVLVS IV.

Vitrum nomina dicta de Deo sint Synonyma.

NON est quæstio de nominibus primi & secundi generis, de quibus constat non esse synonyma, cum formaliter significant diuersas relations, negationes, aut actiones, quæ Molina in D. Thom.

A. Deo conueniunt, sed de nominibus tertij generis, quæ substantialiter de Deo dicuntur, significantque unam simplicissimam rationem formalem, quæ sunul est Deitas, bonitas, sapientia, intellectus, voluntas, &c.

Responso est, eiusmodi nomina non esse synonyma. Rationem reddit D. Thomas, quoniam licet significant eamdem simplicissimam rem, atque rationem formalem, exprimunt tamen distinctos conceptus, quos de illa formamus: vt autem nomina, nobis saltem, synonyma non sint, satis est, si significant rem, vt apprehensam alio atque alio conceptu.

BReddit verò elegantissimam rationem D. Thomas, quare cum in Deo omnia attributa sint unica simplicissima ratio formalis, alium tamen conceptum formemus sapientia, alium bonitatis, & ita de ceteris attributis. Ea verò est, quia intellectus noster ea, quæ sunt in Deo, ex his quæ sunt in rebus creatis concepit, vt sapientiam diuinam ex creatura, & ita de ceteris: at verò sicut diuersæ perfectiones rerum creatarum sunt unitæ in Deo tamquam in causa, hul[la]que earum adæquatè, & planè imitatur perfectionem diuinam: sic illi diuersi conceptus proportionati perfectionibus rerum creatarum, quos de Deo formamus: significant quidem unam simplicissimam perfectionem Dei, quam nullus eorum adæquatè, & vt est in se significat ac representat.

Quare beati, qui Deum concipiunt, vt est in se, vtique neque formant, neque formare possunt distinctos conceptus intuitu attributorum diuinorum, sed unum tantum simplicissimum conceptum, & ob id nomina attributorum diuinorum apud eos synonyma sunt, imò potius sunt tantum unum nomen, iuxta illud Zacharie 14. In die illa erit Dominus unus, & erit nomen eius unum (tametsi alij ea ratione intelligent futurum nomen Domini unum, tempore de quo ibi loquitur Propheta, quia cessabunt idola, veneratioque falsorum Deorum, omnèque unum tantum Deum verum agnoscunt.) Atque hoc affirmit Diuus Thomas primo contra gentes cap. 31. tametsi oppositum hoc loco innuat Caietanus. Quia ergo pluralitas conceptuum, quos in via de Deo formamus, provenit ex debilitate, & imperfectione modo concipiendi intellectus nostri, planè id diuinæ simplicitati non derogat. Neque verò hæc argumentatio est legitima, attributorum formamus distinctos conceptus: ergo attributa sunt res aut rationes formales ex natura rei distinctæ. Sicut neque hæc est legitima: cernitur diuersitas in effectibus; ergo etiam in causa à qua emanant: quippe cum à causa superioris ordinis emanare possint effectus inter se diuersi, qui in causa unitæ continguntur. Omnibus ergo conceptibus, quos in hac vita de Deo effingimus, respondet una simplicissima res per eos omnes multipliciter & imperfectè representata, vt hoc loco in responsonem ad secundum Diuus Thomas docet. Per hæc tam non negamus, beatos posse formare distinctos in proprio genere abstractiuos conceptus diuerorum attributorum per comparationem ad diuersas creaturem: non secus ac in via eos

F. formare solebant. Quare & inter se mutuò de diuersis Dei attributis colloqui varios conceptus exprimendo, & de eisdem attributis Deum ipsum laudare in patria optimè poterunt.